

Buletin Selangor



PENTADBIRAN SETIAUSAHA KERAJAAN NEGERI SELANGOR

EDISI JAN-MAC 2014

ISSN 2289-4004



ms 12

KURSUS ASAS PERAJURIT MUDA SUKARELA (APMS) ASKAR WATANIAH NEGERI SELANGOR SIRI 1 TAHUN 2014



**Perhimpunan Bulanan
SUK & Perjumpaan 5S
Bersama Dato' YB SUK**

ms **7**



**Majlis Menghafaz Al-quran
Peringkat Kebangsaan
Kali Ke-35 Tahun**

ms **14**



**Sesi Dialog Pegawai
P&P Bersama
Dato' Y.B SUK**

ms **16**



Mutiara Kata

“Produktiviti yang dipacu berdasarkan prinsip kreativiti dan inovasi mampu memberikan perkhidmatan yang berkualiti dan impak yang tinggi dalam perkhidmatan kerajaan. Kita sebagai penjawat awam sebenarnya mempunyai beban yang amat penting untuk dipikul kerana Perkhidmatan Awam merupakan tonggak kepada pembangunan dan kemananan negara. Kita perlu menggalas cabaran dalam merealisasikan agenda pembangunan negara melalui program-program utama yang telah digariskan. Perkhidmatan berprestasi tinggi dan bertaraf kelas pertama adalah cukup kritikal dalam menangani perubahan pantas yang berlaku di persekitaran global masa kini. Dalam hal ini, sebagai jentera pentadbiran kerajaan, kita perlulah mempunyai kapasiti dan keupayaan yang tinggi untuk menjayakan semua program yang telah dirancang.”

Y.B. Dato' Haji Mohammed Khusrin bin Haji Munawi

Y.B. Dato' Haji Mohammed Khusrin bin Haji Munawi
 Setiausaha Kerajaan Negeri Selangor

Isi Kandungan

BIL. 1/2014 EDISI JAN-MAC 2014

Bengkel Sasaran Kerja Tahunan Pejabat Setiausaha Kerajaan Negeri Selangor Tahun 2014	3
Majlis Sambutan Maulidur Rasul Peringkat Negeri Selangor Tahun 1435H/2014M	4
Majlis Perhimpunan Bulanan Jabatan Jabatan Kerajaan Negeri Selangor	5
Kempen Keselamatan Jalan Raya Sempena Sambutan Tahun Baru Cina 2014	6
Majlis Perhimpunan Bulanan Pejabat Setiausaha Kerajaan Negeri Selangor Dan Perjumpaan 5S Bersama Y.B. Setiausaha Kerajaan Negeri Selangor	7
Majlis Jasamu Dikenang	8
Bengkel Asas Pelaksanaan Projek Kumpulan Inovatif Dan Kreatif (KIK)	9
Info 5S	10 - 11
Kursus Asas Perajurit Muda Sukarela (APMS) Askar Wataniah Negeri Selangor Siri 1 Tahun 2014	12
Program Khas Mesra Rakyat (PKMR) Daerah Hulu Langat	13
Majlis Menghafaz Al-Quran Peringkat Kebangsaan Kali Ke-35 Tahun 1435H/2014M	14 - 15
Sesi Dialog Pegawai Pengurusan Dan Profesional Bersama Y.B. Setiausaha Kerajaan Negeri Selangor	16
Belasungkawa	17
Pengenalan Ketua Jabatan Baru	18



SIDANG REDAKSI

PENAUNG

Y.B. Dato' Haji Mohammed Khusrin
 Bin Haji Munawi
 Setiausaha Kerajaan Negeri Selangor

KETUA EDITOR

Noor Asdiana Binti Abd Kadir

EDITOR

Sahrul Hardi Bin Zainuri

SIDANG EDITORIAL

Nooraini Binti Jailani
 Norfariza Binti Daud
 Fara Hanim Binti M. Sharif
 Sahida Binti Mohamad Sofi

FOTOGRAFI

Ahmad Fadhli Bin Yahya
 Adib Bin Aziz

REKA & CETAK

D'MACRIZ COMMUNICATION
 016 346 5846 / 019 377 5044

Sebarang Maklumat dan cadangan boleh dikemukakan kepada pihak kami melalui emel buletin@selangor.gov.my

BENGGKEL SASARAN KERJA TAHUNAN PEJABAT SETIAUSAHA KERAJAAN NEGERI SELANGOR TAHUN 2014

Bengkel Sasaran Kerja Tahunan (SKT) Pejabat Setiausaha Kerajaan Negeri Selangor Tahun 2014 telah diadakan pada 10 hingga 12 Januari 2014 yang lalu bertempat di Hotel Hydro Batu Feringgi, Pulau Pinang.

Perbincangan SKT pada kali ini memberi penekanan kepada Pencapaian Sasaran Kerja Tahunan bagi Tahun 2013 seterusnya, perancangan sasaran dan fokus kerja bagi Tahun 2014. Bengkel dimulakan dengan majlis ucapan pada perasmian pada hari pertama oleh Y.B. Setiausaha Kerajaan Negeri Selangor, Y.B. Dato' Haji Mohammed Khusrin Bin Haji Munawi. Dalam ucapannya, beliau menegaskan bahawa sebagai penjawat awam di Pejabat SUK Selangor, seharusnya menjadi contoh kepada jabatan-jabatan lain dalam mempertingkatkan pengurusan kakitangan, kebertanggungjawaban menambahbaik sistem penyampaian perkhidmatan kepada pelanggan.

Majlis diteruskan dengan Sesi Perjumpaan Khas Y.B. Setiausaha Kerajaan Negeri Selangor bersama pegawai-pegawai kerajaan gred 41 dan ke atas. Sesi perjumpaan pertama adalah bersama para pegawai gred 41 dan 44 manakala sesi perjumpaan yang kedua adalah bersama para

pegawai gred 48 dan ke atas. Sesi perjumpaan ini adalah bertujuan bagi membuka ruang dan peluang pegawai-pegawai di Pejabat SUK Selangor untuk bertanyakan soalan serta memberikan pendapat secara terus kepada Y.B. Setiausaha Kerajaan Negeri Selangor.

Pada hari kedua, bengkel diteruskan dengan Pembentangan Pencapaian Sasaran Kerja Tahunan Tahun 2013 dan Fokus Tahun 2014 bagi Sayap Pengurusan yang telah dibentangkan oleh Tuan Haji Wahilman Bin Siwar, Setiausaha Bahagian Teknologi Maklumat.

Bagi Sayap Pembangunan, semua Timbalan Pengarah bagi setiap seksyen telah membentangkan Pencapaian Sasaran Kerja Tahunan Tahun 2013 dan Fokus 2014 bagi seksyen masing-masing.

Antaranya adalah, Encik Nor Azmie Bin Diron dari Seksyen Makro Dan Penswastaaan, Encik Johary Bin Anuar dari Seksyen Pihak Berkuasa Tempatan, Encik Adam Bin Abu Hanifah dari Seksyen Sektor, Encik Mohd Hasry Bin Nor Mohd dari Seksyen Agihan Dan Pembangunan serta Puan Aziah Binti Kamaruddin dari Majlis Tindakan Ekonomi Selangor (MTES).



MAJLIS SAMBUTAN MAULIDUR RASUL PERINGKAT NEGERI SELANGOR TAHUN 1435H/2014M

Majlis Sambutan Maulidur Rasul Peringkat Negeri Selangor Tahun 1435H/2014M yang bertemakan "Wasatiyyah Tonggak Kesatuan Ummah" telah diadakan pada 14 Januari 2014 di Stadium Malawati, Shah Alam.

Majlis yang disempurnakan oleh D.Y.M.M. Sultan Selangor, D.Y.M.M. Sultan Sharafuddin Idris Shah Al-Haj Ibni Almarhum Sultan Salahuddin Abdul Aziz Shah Al-Haj telah dimulakan dengan perarakan kontinjen dari Jabatan/Agensi Kerajaan Negeri Selangor, Badan-Badan Berkanun, NGO serta pelajar sekolah yang berarak dari Stadium Mini Shah Alam yang diketuai oleh Y.A.B. Dato' Menteri Besar Selangor, Y.A.B. Tan Sri Dato' Seri Abdul Khalid Bin Ibrahim, Y.B. Setiausaha Kerajaan Negeri Selangor, Y.B. Dato' Mohammed Khusrin bin Haji Munawi, EXCO-EXCO Kerajaan Negeri, Dif-Dif Kehormat, Ketua-Ketua Jabatan, pegawai dan kakitangan Pentadbiran Kerajaan Negeri Selangor serta 125 kontinjen pelbagai agensi.

Tetamu turut dipersembahkan dengan bacaan ayat-ayat suci Al-Quran dan persembahan khas Maulidur Rasul dari penyanyi undangan seperti Hafiz Hamidun dan kumpulan Hijjaz.

Di majlis yang sama, Kerajaan Negeri Selangor bersama-sama Jabatan Agama Islam Selangor (JAIS) turut melancarkan Bulan Dakwah yang dianjurkan setiap tahun bagi mengajak masyarakat Islam menghayati tugas dan peranan mereka sebagai umat sebenar. Antara program yang telah direncanakan adalah Jelajah Dakwah, Ziarah Kasih, Santai Bersama Selebriti, Semai Taqwa, Dakwa Mesra Ummah dan sebagainya.





MAJLIS PERHIMPUNAN BULANAN JABATAN JABATAN KERAJAAN NEGERI SELANGOR

Tirai Tahun 2014 telah dibuka dengan penganjuran Majlis Perhimpunan Bulanan Pejabat Setiausaha Kerajaan Negeri Selangor yang berlangsung pada 20 Januari 2014.

Seramai lebih kurang 200 orang telah menghadiri majlis perhimpunan tersebut yang turut dihadiri oleh Y.A.B Dato' Menteri Besar Selangor, Y.A.B. Tan Sri Dato' Seri Abdul Khalid Bin Ibrahim, Y.B. Setiausaha Kerajaan Negeri Selangor, Y.B. Dato' Haji Mohammed Khusrin Bin Haji Munawi, EXCO-EXCO Kerajaan Negeri Selangor, Ketua Jabatan, pegawai dan kakitangan Pentadbiran Kerajaan Negeri Selangor.

Dalam ucapannya, Y.A.B Dato' Menteri Besar Selangor berkata, Kerajaan Negeri kini dalam perancangan rapi menubuhkan jawatankuasa bertindak khas bagi meningkatkan mutu pentadbiran dan perkhidmatan penjawat awam di Negeri Selangor.

Pada masa sama, Y.A.B. Tan Sri Dato' Seri Abdul Khalid Bin Ibrahim turut mengumumkan tumpuan kerajaan negeri pada tahun ini untuk merangka lebih banyak peluang bagi merencanakan industri perkhidmatan di Negeri Selangor dalam usaha meningkatkan pendapatan negeri.

Mengakhiri majlis pada pagi itu, satu gimik pelancaran laman Web Pusat ICT telah disempurnakan oleh Y.A.B Dato' Menteri Besar Selangor.





KEMPEN KESELAMATAN JALAN RAYA SEMPENA SAMBUTAN TAHUN BARU CINA 2014

Pada 26 Januari 2014 yang lalu, bertempat di Tempat Letak Kereta PN1 Stadium Shah Alam (bersebelahan Pasaraya Giant Seksyen 13, Shah Alam), Y.A.B. Dato' Menteri Besar Selangor, Y.A.B. Tan Sri Dato' Seri Abdul Khalid Bin Ibrahim, telah merasmikan Program Pelancaran Kempen Keselamatan Jalan Raya sempena dengan Sambutan Tahun Baru Cina Tahun 2014.

Kempen yang dianjurkan oleh Majlis Keselamatan Jalan Raya Negeri Selangor ini bertujuan untuk mengurangkan jumlah kemalangan pada musim perayaan dan memberi kesedaran kepada pengguna jalan raya tentang ciri-ciri keselamatan yang perlu dipatuhi semasa memandu di jalan raya.

Dalam ucapannya, Y.A.B. Dato' Menteri Besar Selangor menekankan kebimbangan dengan pertambahan kes kemalangan, sekaligus menyebabkan kadar kematian turut meningkat. Beliau turut memberi nasihat kepada para pengguna jalan raya agar memberikan sepenuh tumpuan semasa memandu terutama di musim perayaan.

Kempen ini diakhiri dengan "flag-off" konvoi motosikal berkuasa tinggi sebagai gimik pelancaran, selain diserikan dengan tarian naga dan pemberian buah limau sempena Tahun Baru Cina Tahun 2014.



MAJLIS PERHIMPUNAN BULANAN PEJABAT SETIAUSAHA KERAJAAN NEGERI SELANGOR DAN PERJUMPAAN 5S BERSAMA Y.B. SETIAUSAHA KERAJAAN NEGERI SELANGOR



Pada 14 Februari 2014, bertempat di Foyer Bangunan Sultan Salahuddin Abdul Aziz Shah, Shah Alam, telah berlangsung Majlis Perhimpunan Bulanan Pejabat Setiausaha Kerajaan Negeri Selangor dan Perjumpaan 5S Bersama Y.B. Setiausaha Kerajaan Negeri Selangor.

Majlis yang telah dihoskan oleh Bahagian Teknologi Maklumat ini telah dihadiri oleh Y.B. Setiausaha Kerajaan Negeri Selangor, Y.B. Dato' Haji Mohammed Khusrin Bin Haji Munawi, Timbalan Setiausaha Kerajaan (Pengurusan), Y.Bhg. Dato' Tarmedi Bin Haji Omar, Setiausaha Bahagian Teknologi Maklumat, Tuan Haji Wahilman Bin Siwar, Timbalan-Timbalan Pengarah Seksyen UPEN, Setiausaha-Setiausaha Bahagian, pegawai dan kakitangan Pejabat SUK Selangor.

Pada majlis tersebut, Y.B. Setiausaha Kerajaan Negeri Selangor telah merasmikan pelancaran Makmal Cyber Bahagian Teknologi Maklumat, Pejabat SUK Selangor, penyampaian sijil Penjenamaan Semula Logo 5S Pejabat SUK Selangor dan Sijil Penyertaan Pameran 5S Bahagian dan Seksyen, serta lawatan ke tapak pameran hasil inovasi kejayaan melaksanakan 5S di Pejabat SUK Selangor.





MAJLIS JASAMU DIKENANG

Pada 16 Februari 2014 bertempat di Hotel Quality Shah Alam telah diadakan satu majlis khas iaitu Majlis Jasamu Dikenang untuk meraikan pegawai-pegawai kanan kerajaan yang telah bersara. Bekas Pegawai-Pegawai Kanan yang diraikan ialah Y.Bhg. Dato' Zauyah Be Binti T. Loth Khan mantan Penasihat Undang-Undang Selangor, Y.Dihormati Dato' Tun Hisan Bin Tun Hamzah mantan Ketua Polis Negeri Selangor, Y.Bhg. Dato' Zulkepli Bin Ahmad mantan Pegawai Daerah Petaling, Y.Bhg. Dato' Haji Marzuki Bin Hussin mantan Pengarah Jabatan Agama Islam Selangor (JAIS) dan Y.Bhg. Puan Siti Munirah Binti Ibbi Hajar mantan Setiausaha Bahagian Pengurusan Sumber Manusia, Pejabat Setiausaha Kerajaan Negeri Selangor.

Majlis pada malam tersebut turut dimeriahkan dengan kehadiran Y.B. Setiausaha Kerajaan Negeri Selangor, Y.B. Dato' Haji Mohamed Khusrin Bin Haji Munawi, Y.B. Penasihat Undang-Undang Selangor, Y.B. Dato' Haji Nik Suhaimi Bin Nik Sulaiman, Timbalan Setiausaha Kerajaan (Pembangunan), Y.Bhg. Dato' Roslan Bin Sakiman, Dif-Dif jemputan, Ketua-Ketua Jabatan, pegawai dan serta kakitangan Pejabat SUK Selangor.

Majlis telah diakhiri dengan penyampaian cenderahati kenang-kenangan kepada mantan Pegawai-Pegawai Kanan Kerajaan Negeri Selangor yang diraikan.



BENGGKEL ASAS PELAKSANAAN PROJEK KUMPULAN INOVATIF DAN KREATIF (KIK)

Seramai 82 orang pegawai dan kakitangan Pejabat Setiausaha Kerajaan Negeri Selangor telah menyertai Bengkel Asas Pelaksanaan Projek Kumpulan Inovatif Dan Kreatif (KIK) yang telah berlangsung selama tiga hari bermula pada 18 hingga 20 Februari bertempat di Hotel Concorde Inn, Sepang.

Tujuan bengkel ini adalah untuk meningkatkan kefahaman dalam membantu kejayaan kumpulan KIK selain mengetahui peranan dan tanggungjawab sebagai fasilitator, ketua dan ahli kumpulan yang berkesan.

Disamping itu juga, ia dapat membina dan membangunkan kumpulan KIK yang efektif dan kreatif serta mempraktikkan kemahiran dan tanggungjawab kerja berkumpulan dalam pelaksanaan kumpulan KIK.

Sepanjang bengkel ini berlangsung para peserta telah dibahagikan kepada dua kumpulan bagi melaksanakan tugas yang diberi mengikut persetujuan ahli kumpulan sebagai persediaan untuk ke peringkat seterusnya. Syabas!



Jom sertai

aktiviti baru Jawatankuasa Promosi 5S Pejabat

Setiausaha Kerajaan Negeri Selangor...

PERTANDINGAN FACE OF 5S!!!



Syarat penyertaan:

- Setiap bulan, satu (1) gambar kakitangan akan dipilih secara rawak
- Kakitangan yang dipilih mestilah LIKE Facebook SUK Selangor 5S
- Kakitangan yang gambarnya terpilih boleh menuntut hadiah daripada Jawatankuasa Promosi 5S

Mari Mari **LIKE** dan **FOLLOW** Aktiviti 5S Pejabat SUK Selangor Di Facebook!

Salam sejahtera kepada semua pegawai dan kakitangan Pejabat SUK Selangor. Penglibatan anda semua untuk LIKE Fan Page 5S amatlah dialu-alukan. Teruskan kempen like Fan Page 5S ini untuk mengikuti perkembangan dan aktiviti pejabat kita.

Jawatankuasa Promosi 5S akan terus mengadakan kempen, info dan hadiah menarik dari kunjungan anda. Semoga saluran media baru ini akan mengeratkan jalinan komunikasi dan kerjasama semua kakitangan dan memelihara kesinambungan kecemerlangan 5S di Pejabat SUK Selangor yang kita sayangi.



Logo 5S Pejabat SUK Selangor 2014



Salam sejahtera. Jom guna logo baru pembakar semangat baru tahun 2014!

Tahniah saudara Amirull Asraff dari Bahagian Teknologi Maklumat yang memenangi pertandingan logo baru-baru ini.

RASIONAL/PENERANGAN LOGO

MAKSUD BENTUK

Simbol huruf 5S diletakkan di bawah logo sebagai lambang amalan 5S dilaksanakan di Pejabat Setiausaha Kerajaan Negeri Selangor.

Lambang rasmi Negeri Selangor diletakkan bersama-sama simbol huruf 5S.

Bulan Sabit melambangkan proses 5S yang berterusan.

Susunan teks Sisih, Susun, Sapu, Seragam, dan Sentiasa Amal adalah amalan 5S yang berterusan.

Teks PEJABAT SETIAUSAHA KERAJAAN NEGERI SELANGOR disusun di bahagian paling kiri sebagai lambang pelaksanaan 5S secara menyeluruh di semua bahagian.

MAKSUD WARNA

Warna kuning kemerahan digunakan bagi menyerlahkan simbol huruf 5S yang menjadi fokus logo bagi melambangkan amalan 5S adalah serius dilaksanakan di Pejabat Setiausaha Kerajaan Negeri Selangor.

Warna biru digunakan sebagai lambang semangat kerjasama berpasukan semua kakitangan Pejabat Setiausaha Kerajaan Negeri Selangor.



Memulakan Amalan Penjagaan Tandas Berkualiti?

Berapa kali kita gunakan tandas pejabat dalam sehari? Persekitaran kerja yang selesa juga adalah termasuk betapa bersih dan selesa tandas di pejabat kita.

Percaya tak *mood* bekerja yang ceria pada mulanya boleh berubah kerana terpaksa menggunakan tandas terdekat dengan pejabat kita yang kurang bersih atau rosak, ditambah lagi perlu menggunakannya berulang kali.

Pada kebanyakan masa kita akan menyalahkan kontraktor pembersihan yang dilantik tapi sedarkah kita bahawa kita sebagai pengguna juga yang berperanan menyumbang menjadikannya bersih, kotor atau rosak. Jadi mari kita berubah menjadi pengguna yang bijak dan pengguna yang peka dengan pengguna yang lain demi sama-sama menjaga kepentingan dan keselesaan bersama.

Jawatankuasa Promosi 5S peka dengan keadaan ini dan memulakan kempen penjagaan tandas di Pejabat SUK Selangor dengan kempen "At Washroom We Care" atau ringkasnya @WARE bermula dengan poster berikut sebagai tatapan visual untuk amalan kita bersama. Objektif kempen ini ialah "Prihatin Pengguna Seterusnya" (Care For Next User).

KURSUS ASAS PERAJURIT MUDA SUKARELA (APMS) ASKAR WATANIAH NEGERI SELANGOR SIRI 1 TAHUN 2014

Pada 21 Februari 2014 bertempat di Dataran Pejabat Setiausaha Kerajaan Negeri Selangor, telah berlangsungnya upacara Perbarisan Tahunan Negeri Selangor Dan Acara Penutup Tamat Kursus Asas Perajurit Muda Sukarela (APMS) Askar Wataniah (Khas) Siri 1/2014.

Kursus ini telah diadakan pada 25 Januari hingga 23 Februari 2014 (30 hari) yang berlandaskan kepada Rancangan Pengurusan Latihan (RPL) Askar Wataniah yang merangkumi silibus Asas Ketenteraan dari aspek pengetahuan, kemahiran dan pembentukan sikap ketenteraan iaitu kawad, membaca peta, pengendalian senjata dan menembak, taktik peperangan, asas pentadbiran dan pengurusan, asas sebagai ketua dan kepimpinan serta latihan membentuk kekuatan fizikal dan mental.

Y.B. Setiausaha Kerajaan Negeri Selangor, Y.B. Dato' Haji Mohammed Khusrin Bin Haji Munawi dalam ucapannya mengharapkan agar lebih ramai peserta yang akan menyertai kursus ini pada masa depan.

Jabatan dan agensi yang terlibat dalam Kursus APMS Askar Wataniah (Khas) Siri 1/2014 adalah seperti berikut:

- i. SUK Selangor – 29 Orang
- ii. Air Asia – 20 Orang
- iii. JLKN – 14 Orang
- iv. LLJ – 15 Orang

Penerima Pangkat Tauliah Kehormat

1. MEJ (K) Dato' Haji Mohd Jaafar Bin Haji Mohd Atan (Datuk Bandar Shah Alam)
2. MEJ (K) Dato' Mohammad Bin Yacob (Yang Dipertua Majlis Perbandaran Klang)
3. MEJ (K) Prof Dato' Dr Mohd Zainul Fitri Bin Dato' Othman (Timbalan Naib Presiden/Naib Presiden Management & Science University)
4. MEJ (K) Tuan Haji Zamani Ahmad Bin Mansor (Setiausaha Bahagian Khidmat Pengurusan)
5. MEJ (K) Norazmi Bin Abdullah (Ketua Pegawai Keselamatan Kerajaan Negeri Selangor)



PROGRAM KHAS MESRA RAKYAT (PKMR) DAERAH HULU LANGAT

Daerah Hulu Langat telah menjadi lokasi pertama bagi pelaksanaan Program Khas Mesra Rakyat (PKMR) yang telah diadakan pada 7 Mac 2014 yang lalu, dengan beberapa penambahbaikan terhadap kaedah dan pendekatan dalam pelaksanaannya.

Pada sesi pertama telah diadakan perjumpaan khas bersama pegawai-pegawai kerajaan dan pemimpin-pemimpin masyarakat dalam Program Perhimpunan Pagi Bersama Y.A.B. Dato' Menteri Besar Selangor, Y.A.B. Tan Sri Dato' Seri Abdul Khalid Bin Ibrahim.

Sesi kedua pula merupakan sesi Bersama Rakyat, bagi memberikan peluang kepada orang awam khususnya rakyat Negeri Selangor untuk berdialog dan bersemuka bersama Y.A.B. Dato' Menteri Besar Selangor serta Y.B. Ahli-Ahli Majlis Mesyuarat Kerajaan Negeri (EXCO) berkaitan dengan aduan awam dan isu-isu semasa.

Seterusnya, pada sesi petang telah diadakan penyampaian dan penyerahan Merakyatkan Ekonomi Selangor (MES) kepada penerima-penerima berdaftar disamping membuat lawatan ke Pusat Pengembangan Hasil Rakyat atau lokasi-lokasi bermasalah yang memerlukan perhatian khusus di setiap daerah.

Di sebelah malam, telah diadakan Malam Kesenian dan Kebudayaan di mana masyarakat setempat berpeluang menonjolkan budaya dan kesenian masing-masing. Sambutan yang diberikan oleh rakyat terhadap pelaksanaan program berkenaan adalah sangat menggalakkan dan maklumbalas yang diterima adalah positif.



Majlis Menghafaz Al-Quran Peringkat Kebangsaan Kali Ke-35 Tahun 1435H/2014M telah diadakan selama lima hari yang bermula pada 10 – 14 Mac 2014 bertempat di Auditorium MBSA, Shah Alam, Selangor. Majlis tersebut telah dirasmikan oleh Y.A.B. Dato' Menteri Besar Selangor, Tan Sri Dato' Seri Abdul Khalid Bin Ibrahim, pada 10 Mac 2014. Turut hadir ialah Y.B. Mejar Jeneral (B) Dato' Seri Jamil Khir Bin Haji Baharom, Menteri Di Jabatan Perdana Menteri, Y.Bhg. Dato' Haji Othman Bin Mustapha, Ketua Pengarah JAKIM, Y.B. Dato' Haji Mohammed Khusrin Bin Haji Munawi, Y.B. Setiausaha Kerajaan Negeri Selangor, Tuan Haji Zaharin Bin Mohd Saad, Pengarah Jabatan Agama Islam Selangor, dif-dif kehormat, Ketua-Ketua Jabatan di peringkat persekutuan dan negeri serta orang ramai.

D.Y.M.M. Sultan Selangor, D.Y.M.M. Sultan Sharafuddin Idris Shah Al-Haj Ibni Al-Marhum Sultan Salahuddin Abdul Aziz Shah Al-Haj telah berangkat ke Majlis Penutupan dan Pengurniaan Hadiah, Majlis Menghafaz Al-Quran Peringkat Kebangsaan Kali Ke-35 Tahun 1435H/2014M pada 14 Mac 2014. Baginda bertitah, umat Islam mestilah menjadi umat yang terbaik dalam melaksanakan tugas sebagai khalifah Allah S.W.T. di muka bumi ini.

Seramai 70 orang peserta dari seluruh negara telah menyertai majlis ini yang terdiri dari 39 orang peserta perempuan, 31 orang peserta lelaki manakala seramai 15 orang Jemaah Hakim yang bertanggungjawab memilih peserta yang terbaik bagi setiap kategori. Dianggarkan lebih 5000 orang pengunjung telah hadir sepanjang majlis tersebut berlangsung, terutamanya pelajar-pelajar tahfiz sekitar Lembah Klang.



MAJLIS MENGHAFAZ AL-QURAN PERINGKAT KEBANGSAAN KALI KE-35 TAHUN 1435H/2014M





Berikut adalah keputusan penuh Majlis Menghafaz Al Quran Peringkat Kebangsaan Kali Ke-35 Tahun 1435H/2014M:

KATEGORI 1 - 10 JUZUK (LELAKI)			
NAMA	NEGERI	MARKAH	KEDUDUKAN
MUHAMMAD ZULHILMI BIN AB RAHMAN	KELANTAN	98.54%	TEMPAT PERTAMA
U'BAID BIN MOHD ASRI	PERLIS	98.20%	TEMPAT KEDUA
NASYHRAF IDEEN BIN NAHAR	SELANGOR	97.68%	TEMPAT KETIGA
KATEGORI 1 - 10 JUZUK (PEREMPUAN)			
PUTRI AMINAH BINTI MOHD ANIF	KELANTAN	98.12%	TEMPAT PERTAMA
SUMAIYAH NAJIHAH BINTI MOHD ZAINI	SELANGOR	97.70%	TEMPAT KEDUA
FATHINIZZATI BINTI FAHMI	NEGERI SEMBILAN	95.25%	TEMPAT KETIGA
KATEGORI 1 - 20 JUZUK (LELAKI)			
MUHAMMAD SYAZANI BIN JEMY	NEGERI SEMBILAN	98.18%	TEMPAT PERTAMA
ADBUL WAFI AZZAKI BIN SINWAN	MELAKA	97.38%	TEMPAT KEDUA
MUAZ BIN NADSARUDIN	PERAK	96.80%	TEMPAT KETIGA
KATEGORI 1 - 20 JUZUK (PEREMPUAN)			
SITI HAJAR NABILAH BINTI MOHD DARHA	SELANGOR	94.95%	TEMPAT PERTAMA
FARAH FAQIHAH BINTI MOHD IQBAL	PAHANG	93.68%	TEMPAT KEDUA
SITI AISHAH BINTI ZOLKIFLI	KEDAH	89.38%	TEMPAT KETIGA
KATEGORI 1 - 30 JUZUK (LELAKI)			
MOHD ERSYAD BIN ABDULLAH	KEDAH	97.15%	TEMPAT PERTAMA
KHAIRUL ANUAR BIN MOHD DAHMAN	PERAK	97.13%	TEMPAT KEDUA
MOHAMAD OMAR BIN MANSU	NEGERI SEMBILAN	96.40%	TEMPAT KETIGA
KATEGORI 1 - 30 JUZUK (PEREMPUAN)			
NORHAAFIZAH BINTI MOHD SHAFIE	SELANGOR	95.93%	TEMPAT PERTAMA
NUR MUNIRAH BINTI MOHD NOR	KELANTAN	94.45%	TEMPAT KEDUA
MAZIAN BINTI ABU BAKAR	WILAYAH PERSEKUTUAN	94.38%	TEMPAT KETIGA



SESI DIALOG PEGAWAI PENGURUSAN DAN PROFESIONAL BERSAMA Y.B. SETIAUSAHA KERAJAAN NEGERI SELANGOR



Satu sesi dialog di antara Pegawai Pengurusan dan Profesional (P&P) Bersama Y.B. Setiausaha Kerajaan Negeri Selangor yang telah dihadiri oleh pegawai-pegawai dari Gred 41 dan 44 pada 18 Mac 2014 yang lalu bertempat di Auditorium Dewan Jubli Perak, Shah Alam manakala pegawai-pegawai Gred 48 dan ke atas (bukan kategori Ketua Jabatan) juga diadakan pada hari yang sama bertempat di Dewan Annex, Shah Alam.

Program ini adalah yang julung-julung kali diadakan untuk mewujudkan komunikasi dua hala di antara pengurusan tertinggi dengan pegawai-pegawai kerajaan di Negeri Selangor.

Disamping itu ia juga dijadikan platform untuk mengutarakan isu-isu dan permasalahan yang ingin dikemukakan kepada pihak pengurusan tertinggi bagi memastikan perkhidmatan awam yang lebih efisien dan cemerlang.

Program ini juga sebagai langkah penambahbaikan perkhidmatan dan kebajikan bagi kumpulan Pegawai-Pegawai Pengurusan dan Profesional (P&P) di seluruh Negeri Selangor secara amnya.

Belasungkawa

Y.A.M. Tengku Bendahara Selangor, Y.A.M. Tengku Azman Shah Alhaj Ibni Almarhum Sultan Hisamuddin Alam Shah Alhaj, telah mangkat dan kembali ke Rahmatullah pada hari Ahad, 23 Mac 2014 di Hospital Tengku Ampuan Rahimah, Klang.

Jenazah Almarhum dibawa ke Istana Alam Shah, Klang bagi upacara penghormatan terakhir manakala solat jenazah telah diadakan di Masjid Istana Diraja. Almarhum telah dimakamkan di Makam Diraja, Klang dengan penuh Adat Istiadat Diraja.

Seluruh warga kerja Pejabat SUK Selangor turut menzahirkan rasa sedih dan berdoa semoga roh Almarhum ditempatkan dikalangan orang-orang yang beriman. Al- Fatihah.

01



02

Pada hari Khamis bertarih 27 Mac 2014, Pejabat SUK Selangor telah kehilangan seorang kakitangan yang amat komited, Allahyarhamah Puan Mazlina binti Mohamed, bertugas di Bahagian Teknologi Maklumat, Pejabat SUK Selangor, yang telah pulang ke rahmatullah akibat penyakit denggi berdarah. Seluruh warga kerja Pejabat SUK Selangor mengucapkan takziah kepada keluarga Allahyarhamah dan turut mendoakan agar roh beliau ditempatkan dikalangan orang-orang yang beriman. Daripada-Nya kita datang, Kepada-Nya jua kita kembali. Al-Fatihah.

PENGENALAN KETUA JABATAN BARU



Y.B. PENASIHAT UNDANG-UNDANG NEGERI SELANGOR

Y.B. DATO' HAJI NIK SUHAIMI BIN NIK SULAIMAN

**Tarikh Mula Bertugas di Kamar Penasihat Undang-Undang
Negeri Selangor:**

1 Januari 2014

Jabatan Sebelum:

Ketua Unit Pendakwaan Cawangan Kuala Lumpur

Gred Jawatan:

JUSA B



SETIAUSAHA BAHAGIAN PENGURUSAN SUMBER MANUSIA

Y.BHG. DATIN WAN RABIAH BINTI WAN YUSOF

**Tarikh Mula Bertugas di Bahagian Pengurusan Sumber
Manusia:**

4 Februari 2014

Jabatan Sebelum:

Ketua Penolong Pengarah Pentadbiran dan Kewangan
Jabatan Kerja Raya Negeri Selangor

Gred Jawatan:

Pegawai Tadbir dan Diplomatik Gred M54



SETIAUSAHA BAHAGIAN KORPORAT

PUAN NOOR ASDIANA BINTI ABD KADIR

Tarikh Mula Bertugas di Bahagian Korporat:

27 Januari 2014

Jabatan Sebelum:

Ketua Penolong Setiausaha Pejabat Dewan Negeri Selangor

Gred Jawatan:

Pegawai Tadbir dan Diplomatik Gred M48



MH370

Ingatan dan Doa Seluruh Warga Pejabat Setiausaha
Kerajaan Negeri Selangor kepada penumpang dan
anak kapal pesawat Malaysia Airlines MH370



TABUNG WARISAN ANAK SELANGOR

Yayasan Warisan Anak Selangor (YAWAS)
A1-11-2 & A1-11-3 Jalan Multimedia 7/AH,
Park City, I-City, 40000 Shah Alam,
Selangor Darul Ehsan

- Tel: 03-5521 8740 atau 03-5521 8741
- Faks: 03-5521 8742 atau 03-5521 8743

SKIM MESRA USIA EMAS

Rantaian Mesra Sdn Bhd, Tingkat G,
Bangunan Darul Ehsan, No. 3, Jalan Indah,
Seksyen 14, 40000 Shah Alam,
Selangor Darul Ehsan

- Tel: 03-5510 3468 / 3472
- Faks: 03-5510 3455
- Emel: mesrausiaemas@gmail.com

HADIAH ANAK MASUK IPT

Pejabat Setiausaha Kerajaan Selangor Bahagian
Pengurusan Sumber Manusia,
Tingkat 3, Bangunan S.S.A.A.S., 40503 Shah Alam,
Selangor Darul Ehsan

- Tel: 03-5544 7385 atau 03-5521 2275
- Faks: 03-5510 4095 atau 03-5511 0659

PROGRAM MENINGKATKAN HASIL BATUAN DAN GALIAN

Kumpulan Semesta Sdn Bhd. Tingkat 5,
Bangunan Darul Ehsan, No. 3, Jalan Indah,
Seksyen 14, 40000 Shah Alam,
Selangor Darul Ehsan

- Tel: 03-5518 7735 • Faks: 03-5518 7736
- Emel: info@semesta.com.my
- Web: www.semesta.com.my

TABUNG PENDIDIKAN ANAK PEKERJA LADANG

Pejabat Ahli Majlis Mesyuarat Kerajaan Negeri
Selangor,
Tingkat 5, Bangunan S.S.A.A.S., 40503 Shah Alam,
Selangor Darul Ehsan

- Tel: 03-5544 7306 atau 035512 3618
- Faks: 03-5510 6678

PUSAT KHIDMAT KRISIS SEHENTI (OSCC)

Exco Kebajikan, Hal Ehwal Wanita,
Sains Teknologi & Inovasi

- Tel: 03-5519 4346 atau 03-5544 7622
- Faks: 03-5519 3304

BEKALAN AIR PERCUMA 20 METER PADU

Kumpulan Darul Ehsan Berhad, Tingkat 16-17,
Plaza Perangas, Persiaran Perbandaran,
40000 Shah Alam, Selangor Darul Ehsan

- Tel: 03- 5510 3999
- Faks: 03-5510 9977
- Emel: communications@kdeb.com

selangor  **orku**

MES

MERAKYATKAN EKONOMI SELANGOR
www.mes.selangor.com

SKIM KESIHATAN WANITA

Rantaian Mesra Sdn Bhd, Tingkat G,
Bangunan Darul Ehsan, No. 3, Jalan Indah,
Seksyen 14, 40000 Shah Alam,
Selangor Darul Ehsan

- Tel: 03-5510 3468 / 3472
- Faks: 03-5510 3455
- Web: <http://www.e-mesra.org.my>

PROGRAM MIKROKREDIT MISKIN BANDAR (MIMBAR)

Mimbar Selangor, A23, Pusat Perniagaan Jubli 20,
Jalan Singa J20/J, Seksyen 20, 40300 Shah Alam,
Selangor Darul Ehsan

- Tel: 03-5541 3616
- Faks: 03-5541 3617
- Web: www.mimbarselangor.org

SKIM MIKROKREDIT SELANGOR

Yayasan Dar al Qard al Hasan Selangor, Tingkat 2,
Bangunan S.S.A.A.S., 40000 Shah Alam,
Selangor Darul Ehsan

- Tel: 03-5544 7104 / 03-5519 1692 / 03-5521 2312
- Faks: 03-5510 55829
- Web: www.skimsel.com

PUSAT DIALISIS RAKYAT

Rantaian Mesra Sdn Bhd, Tingkat G,
Bangunan Darul Ehsan, No. 3, Jalan Indah,
Seksyen 14, 40000 Shah Alam,
Selangor Darul Ehsan

- Tel: 03-5510 3468 / 3472
- Faks: 03-5510 3455
- Web: <http://www.e-mesra.org.my>

PUSAT TUISYEN RAKYAT

Unit Pendidikan, Bahagian Pengurusan Sumber
Manusia, Tingkat 3, Bangunan S.S.A.A.S.,
40000 Shah Alam, Selangor Darul Ehsan

- Tel: 03-5544 7480 / 7481 / 7482 / 7543
- Faks: 03-5510 4095 / 5513 5564 / 5544 7391
- Blog: <http://tuisyenrakyat.blogspot.com>

